

Iðnaðar og tækjadeild

Ágætu félagar!

Að venju verður á þessum aðalfundi farið yfir það helsta sem gerst hefur á liðnu starfsári. Haldnir hafa verið fjórir stjórnarfundir frá síðasta aðalfundi deildarinnar, sem haldinn var 17. febrúar 2016.

Ýmis mál hafa verið rædd á þessum fundunum, m.a. kjaramál, kjarakönnun félagsins, fræðslufundir, námskeið fyrir félagsmenn og margt fleira.

Fjölmargir fundir fóru fram á vegum félagsins á starfsárinu, um allt félagssvæðið. Í janúar voru m.a. haldnir fimm fundir á jafnmörgum stöðum þar sem m.a. voru kynntar fyrirhugaðar breytingar á lögum félagsins.

Í maí í fyrra hélt félagið námskeiðið "Að starfa í stjórn stéttarfélaga." Guðmundur Hilmarsson, frá Félagsmálaskóla alþýðu, fór þar yfir ýmis hagnýt atriði sem gott er að hafa í huga fyrir stjórnarmenn. Námskeiðið sátu stjórnarmenn í aðalstjórn félagsins og deildarstjórnunum þremur ásamt starfsmönnum stjórnanna. Námskeiðið sem stóð yfir í sex tíma tókst mjög vel, en á því var m.a. farið yfir hlutverk forystu, boðun og stjórnun funda, samskipti og margt fleira.

Í maí var einnig haldinn árlegur fræðsludagur félagsins, en hann fór fram á Rimum í Svarfaðardal. Þarna voru mættir trúnaðarmenn og aðrir sem eru í trúnaðarstörfum fyrir félagið, um 100 manns. Dagskráin hófst kl. 10 um morguninn og lauk um kl. 18.

Stjórnin deildarinnar fór um miðjan september sl. í skoðunarferð í Vaðlaheiðargöngin. Þar fengum við góða kynningu á verkinu og fræðslu um jarðgangagerð.

Í lok október fór fram 42. þing Alpýðusambandsins, á 100 ára afmælisári þess. Þingið, sem bar yfirskriftina Samstaða í 100 ár - sókn til nýrra sigra! stóð yfir í þrjá daga og var haldið á Hilton Reykjavík Nordica. Seturétt á þinginu áttu alls 292 þingfulltrúar, auk þess áttu níu fulltrúar ASÍ-UNG seturétt á þinginu. 115 þingfulltrúar komu frá félögum innan Starfsgreinasambandsins, þar af 11 frá Einingu-Iðju. Félagið átti jafnframt einn fulltrúa sem sat þingið fyrir hönd ASÍ-UNG.

Í nóvember kom forysta Starfsgreinasambandsins, þ.e. Björn Snæbjörnsson formaður, Hjördís Þ. Sigurþórsdóttir varaformaður og Drífa Snædal framkvæmdastjóri í heimsókn til Einingar-Iðju og átti fund með stjórn félagsins. Þau voru þá á ferð um landið til að hitta stjórnir allra aðildarfélaga sambandsins. Miklar og góðar umræður urðu á fundinum um starf verkalýðshreyfingarinnar í heild, félagsins og sambandsins í nútíð og framtíð.

Aðalstjórn félagsins ákvað að framkvæma aftur sambærilega kjara- og viðhorfskönnun og framkvæmd hefur verið ár hvert frá árinu 2011.

Í könnuninni var m.a. spurt út í þjónustu félagsins og er útkoman ánægjuleg fyrir okkur. 60,6%% sögðust hafa nýtt sér einhverja þjónustu hjá félaginu undanfarna 12 mánuði.

Rúmlega 95,5% merktu við ánægður eða hvorki né er spurt var hversu ánægður eða óánægður ertu með þjónustu Einingar-Iðju þegar á heildina væri litið. Þetta eru ívið betri niðurstöður en síðustu ár.

Í könnuninni voru nokkrar spurningar í sambandi við launaseðilinn, m.a. var spurt hvort viðkomandi skoðaði hann. 11,4% sögðu stundum og 12,7% sögðu sjaldan eða aldrei. Einnig var spurt um hvort viðkomandi skildi launaseðilinn sinn. 81,7% sögðust skilja hann vel en 7,2% illa. Helst var það yngra fólkið sem skilur hann illa og eins þeir sem starfa í veitingageiranum.

Niðurstöður könnunarinnar í heild má finna á heimasíðu félagsins.

Frá síðasta aðalfundi hafa verið haldin mörg námskeið, þ.á.m. eru dyravarðanámskeið, trúnaðarmannanámskeið, smurbrauðsnámskeið og konfektnámskeið. Fjölmörg önnur námskeið voru auglýst en ekki tókst að fá lágmarkfjölda á þau.

Ef einhverjir eru með hugmyndir að námskeiðum sem þeir hafa áhuga á, er um að gera að koma því á framfæri við Önnu varaformann félagsins.

Ég vil minna á að félagsmenn geta hvenær sem er haft samband við ráðgjafana í SÍMEY og fengið hjá þeim ókeypis ráðgjöf.

Stjórn deildarinnar var þannig skipuð fyrir síðasta starfsár:

Formaður	Ingvar Kristjánsson	Isavia
Varaformaður	Svavar Magnússon	Sæplast Dalvík
Ritari	Gunnar Magnússon	Hyrnu
Meðstjórnendur	Sigurður Sigurðsson	SBA Norðurleið
	Ingi Rafn Ingason	Slippurinn Akureyri
	Páll Brynjar Pálsson	Samskip
	Rannveig Kristmundsdóttir	Glófa
	Þormóður Sigurðsson	Vélfag Ólafsfirði
	Vilhelm Adolfsson	Eining-Iðja

Fyrir næsta starfsár verða eftirtalin í stjórn til eins árs:

Varaformaður	Svavar Magnússon	Sæplast Dalvík
Meðstjórnendur	Rannveig Kristmundsdóttir	Glófa
	Páll Brynjar Pálsson	Samskip
	Þormóður Sigurðsson	Vélfag Ólafsfirði

Í ár verður kosið um formann, ritara og þrjá meðstjórnendur til tveggja ára. Þeir sem gefa kost á sér eru:

Formaður	Ingvar Kristjánsson	Isavia
Ritari	Gunnar Magnússon	Hyrnu
Meðstjórnendur	Þór Jóhannesson	Becromal
	Hjörtur Þór Hjartarson	HBA
	Hilmar Poulsen	Slippurinn Akureyri

Ég vil þakka Sigurði Sigurðssyni, Inga Rafni Ingasyni og Vilhelm Adolfssyni sem nú láta af stjórnarstörfum, fyrir ánægjulegt samstarf á liðnum árum.

Ég minni fólk á að orlofsblaðið kemur út 8. mars nk. Í sumar verður boðið upp á mikið úrval sumarhúsa eins og undanfarin ár.

Áfram verður boðið upp á Viku að eigin vali. Styrkurinn í ár verður kr. 22.000 sem er hækkun um kr. 2.000. Sami fjöldi styrkja verða í boði fyrir félagsmenn og í fyrra, eða 270 styrkir. Sækja þarf um styrkinn eins og orlofshúsin, þ.e. fyrir 1. apríl nk.

Vert er að minna á að skráning stendur yfir í tvær af þremur orlofsferðum sem félagið býður upp á í ár. Skráningar hafa ferð vel af stað og því er ekki eftir neinu að bíða með að skrá sig fyrir þá sem hug hafa á að fara með, því bæði er um að ræða lágmarks- og hámarksfjölda í ferðirnar. Farið verður til Þýskalands og Lúxemborg í byrjun júní og fjallaferðin verður um miðjan ágúst, en þá verður farið í Kverkfjöll, Dreka, Öskju, Holuhraun og Herðubreiðarlindir.

Á skrifstofum félagsins verður áfram boðið upp á útilegu- og veiðikort á niðurgreiddu verði, ásamt gistimiðum á Keahótelin, Fosshótelin og Edduhótelin.

Ég vil minna á heimasíðu félagsins www.ein.is, þar sem má m.a. nálgast gagnlegar upplýsingar um félagið, kjaramál, fræðslumál og réttindi launafólks. Síðan er vel virk og vel sótt af félagsmönnum og öðrum. Hægt er að skrá sig á póstlista á síðunni og fá þannig nýjustu fréttir sem á hana koma beint í æð.

Nýlega stofnaði félagið síðu á Facebook svo þið megið alveg endilega gefa okkur eins og eitt like á þá síðu og svo er um að gera að deila henni svo fleiri félagsmenn viti af henni.

Ég minni líka á félagavefinn okkar, sem veitir félagsmönnum möguleika á að skoða iðgjaldasögu sína, punktastöðu og punktasögu, greiðslusögu vegna bóta og styrkja ásamt

úthlutunarsögu vegna orlofshúsa. Einnig er þar hægt að skoða upplýsingar um stöðu orlofshúsa, sækja um, bóka og greiða fyrir orlofshús með greiðslukorti.

22. febrúar nk. stendur deildin fyrir opnum fræðslufundi fyrir bílstjóra. Fulltrúi frá Samgöngustofu mun flytja erindi um endurmenntun bílstjóra og svara fyrirspurnum fundarmanna. Fundur hefst kl. 20 og verður í salnum á 4. hæð Alþýðuhússins á Akureyri. Ég hvet alla bílstjóra til að mæta á þenna fund.

Ég vil þakka öllum þeim sem ég hef starfað með á liðnu ári fyrir ánægjulegt samstarf og viðkynningu.

Hafdísi E. Ásbjarnardóttur og Eyrúnu Höllu Eyjólfsdóttur, starsmönnum deildarinnar þakka ég samstarfið á árinu og fyrrum starfsmanni deildarinnar Þorsteini E. Arnórssyni, fyrir gott samstarf á liðnum árum, en hann lét af störfum hjá félaginu á starfsárinu.

Takk fyrir.